

# A vendima en Ribeira Sacra podería adiantarse

Os técnicos da D.O. Ribeira Sacra seguán realizando controles de maduración para determinar a data de inicio da vendima. Como ten acontecido noutros anos, obsérvanse diferencias entre subzonas e entre viñas da mesma subzona no referido á maduración da uva, se ben a estas alturas se ten detectado un ligeiro adianto con respecto ao pasado ano. Segundo indican desde o Consello Regulador, a calidade da uva é satisfactoria e non se agardan incidencias nin grandes cambios con respecto á anterior campaña. As dúas primeiras semanas de setembro serán determinantes á hora de fixar unha data de inicio da recolección.

En calquera caso, o presidente da Ribeira Sacra, José Manuel Rodríguez, sinalou que as adegas necesitan que a produción de uva aumente nun millón de kilos para cubrir a demanda comercial que teñen os viños desta denominación de orixe. A estas alturas xa só quedan nas adegas uns 500.000 litros de viño da campaña pasada.

Noutras denominacións de orixe tamén prevén cifras similares ás do ano pasado, sempre e cando o tempo das próximas semanas sexa bo, é dicir, con sol pero sen excesiva calor. En O Ribeiro, por exemplo, prevén vendimiar uns 10,5 millóns de kilos, cifra semellante á de 2008. En Valdeorras, algúnhas adegas xa comenzaron a recolección e ainda non hai estimacións fiables e en Monterrei agardan superar levemente os kilos do ano pasado.